


YEESU KRIST NNII MEEESIA



YEESU KRIST NNII MEESIA



Ban ree bii n gwæet ban fiðd tii ba na « Willem de Vink » ημεεḡbn.

Propriété littéraire © 1993 Stichting Wereldtaal, Houten, Pays-Bas.

Edité en néerlandais sous le titre « Jezus Messias » .

Edition en langue nawdm © 2007 Association pour la sauvegarde et le développement du nawdm (A.S.D.N.)

Tous droits de traduction, de reproduction et d'adaptation réservés pour tous pays.

ISBN 978-90-73150-07-2

Imprimé aux Pays-Bas.

Co-édition mondial organisé par Wycliffe Pays-Bas, B.P. 150, 3970 AD Driebergen, Pays-Bas.



Hii ! ¿ ben hefi nidfigm wenna kol maaru ?



Maantr-n nyen,
Sangbambiimn huraant
ba nyof'.

Lagii-n neerm.




Na bà jafi lad na bà kefi
tiit rugi bà luurt.



Mà bəhəw-n, tiib b' kpa
roon roonhəma bii, baa bà
luug-b bà ləwlg bogmn.



Lee de ʔ l' ba na t' hēm bee ?
ʔ Wen ba fià bee fià fie
na fià neerm bəm kel-keli ?



Biilm, fii kpañ fià bee fià fetg
n Sangband yaagu. Maa kaann
fii ba fià daan fià hor-n n
vofoom buudm.

Baħ-n neerkwælm! Miim-n
na həngu fiəb kpañ n' ni.
Bá hor-n, n' lagii neerm.




Welee beel l' werii
na n' bagl na n' lagii
n' neer neerkwælm.

Há gwæla kol maaru wii nnii Nyaalm
Huurt Yohaaneesa.

Hii fiá kena mà kaa
wii ba n gemmt
ka yata-ma.
Wii ba fiá hor-n n
Sangband vofoom
n ta bogm fiá
lagii-n kpaalaa.
Hà hidr nnii na
Yeesua.



Kpay-n-wu !



Ln bem
na vii
hor-ma.



Haaí !, hor-ma na
l' fie wo Sangband
nn gbaam lee.



Mà Sa, v' soklb
fie, l' saa v'
huraant daan.



Lee noor diir t ren n
sangbambiimn ka bofoo na:



Wunwii nnii
mà Budaaga.
Mà sokla-ka
kpaalaa mà
nyaaǵbii
membii kulaa
ká jugun.

T' vuugu bahm, Nyaalm Huurt Yohaaneesa maantra hía ba na Meesi wii daanm, Yisrafeel ba Romaa huraantn ka kpaá tón bii.



Gwéet bóhóotba da faa Meesia daanm gwéet. Wii da beel hía kalgr neerm Sangband nn bag mii kórgun. Yisrafeel tiiba t ka hod-wu n daagb.

Nyaalm Huurt Yohaaneesa weraa nidba Yeesuwu Yordaan kol maaru.

Kpay-n Sangband fɛɛbuga. Kee nawda tantn befigu.



Ban hod-wu lee, d' Vofoom t san Yeesuwu n kpamloṅun.



Kakefnan goora kwefnaa n nyint kwefnaa, Yeesua kpaá ju bii. Há seenjbn l' ree n werii-wu wiingan ḡmɛɛgb In ba na hía fie bii.



Ka ba na hía fiee-b, l' ba na hía werii na Sangband diila nnii na bá ree nidwu kuumn.

L' ba na hía teew hoodr n Saatana, nyeetn huraa ban kpaá yu wii. Wii kpaasṅa tant ka gbuḥ, ka ta kuu.



Mà Sa, mà bagl na mà fie v' soklb.



Lee, rafeeda t ηmegii n Yeesu na fià nyablg-wu n fià ηmεεgb.

Ka ven nnii Sangband buga biilm, v` he tananfena kitg diit !

Haa! L` fiada na : Lag diit n jafi nnii nida nn ju ka neer, fià ta neera n gwεεt t` ror Sangband noon tii mentii.



Ka ven nnii Sangband buga, forg nan Sangband haarndina faaga v` tifidg. ¿ L` ba fiar na sangbantumtba ba bà togr-v ?

Lee geedg ! gbfint dind mà nongan v` doot-ma tigan lee mà to-v tant fiεn gemmnt ment.

Lee Saatana t saa Yeesuwu safi. Sangbambiimn tumtba t hofintn n ka tgra-wu.




Haa! , l` ta fiada na : Daa ηmegii n v` Saberm Sangband.

Nyab mà man Saatan !
L` fiada na : Door v` Saberm Sangband tigan ka fiεna fià ηmεεgb wii n jafi.

Yeesua t hu n Sangband vofoomη n ηmetgii Galiilee. Han da kedaa lee, nidba hewla. Bà da wia na bà miig na Meesi ban da bed na fià kenan wii nnii.



Bà da jul yaala kasant Kaana, dui kɔrgu kuugun.



Yeesua t ta san wú n fià nya n fià tuurmba biiba.




Gwentaf kasantiin...

Hoolteku nana, daam kpañ.

Hêe-n wo Yeesua nn ba hâ biir lee.



Hugl-n guribibiftntina n nyaalm, l' saa kowtii berma lem.



Lag ta yem rem !



¿ Ben kaa nnii vn kpeñdr dahomnmina kakeñnan gwelja ?



¿ Lan nnii welee ? ¿ Nyaalm kitg daam ? Tintii, ¿ wen ba hâ bee hâ fe welee ?

Yeesu Naasaret tia ñmæëgn.

¿ Ben blañb tii nnii ?



Yeesua da bafì hâ ñmëëgb Kafarnahum Galiilee tantn, reen ban moog hólíi. Reen fian faa Sangband huraant gwëet.



Ree nnii fian da bantg hâ gwëet sofdgtnoogrba.




Fetr, tn san nyaalm kan ba kilmgu ree v` kofdg bëdb.




Berma, t` goora ka kof t` ba mug bii.



Gwentafi v` noor fian...



Hii, i` kpañ tiim.



Sanm-n !
Yakoob,
Yohaanees.
T' ba n mug
wennaf.




Berma nyablg vyen n man
na man nnii fubeftia.

Fetr, daa siil fobeftgu. Gwelja
ba v' daruum nidba kpaturun.



Daan-n n` tagd-ma ! Maa
ma fe n` daruum nidba.




Tagd-n-
ma !

Yeesua da keda huru wú n hà gwæst sohdgtba Galiilee tant mentn, há faa Sangband huraant gwæst ka gbaadaa behtiiba, ka vohid kunidba ka fiëna hoolgu heb l' fiëna nidfigm yola m' tagd-wu. Bà da ren yoh n lag n korvolin n Yerusalem Yisraheel korbermgü.



Lamægu tiiba nii katædtiiba, bee hefl Sangband huraant.

Lamægu tiiba nii bá bag n bà kwæwr na gobiint fie wo Sangband nn sokla lee. Bee nan yul Sangband huraant.




Lamægu tiiba nii bá kuum bee, Sangband nan doola bà kwæwr.




Lamægu tiiba nii ban su ka nyañaa mà kaa nen, nyaagm-n ka forwa na fadbermt hoda-n sangbambiimn.




Bii nn sokla na volba fiem-n bii, ta fiem-n-ba-b.



Soklm-n n`rafeedba ka seenja bà fiem.



Mad-n nyen, daa fiem-n Sangband nmæëgb nidba nongan.




Êee-n hom ! Êii há yu fii fog n ka geewa wo bii to-wu wii fetg-wu n yaruub feb há kwæern.



Niini ba na gbanu kandn. Ka v`niini ba hom, v`gbanufuu menhuu t ka ba wiingan. Gwentafi ka v`niini t kofla, lee v`gbanhuu menhuu t ka ba nyeetn.



N`kpañ n`bee n`bem berbba barefba kwæen. Kotg-n Sangband laa liëbiir.



Daa kuum-n nyen n diila su jugun. Bagm-n Sangband huraant safi lee d`si-n b`fad-n bii membii.




Êem-n wo man bofoc-n lee. Lee l`mefi n`neerm fiigu jugun lag gwifiimn.



Goor diir, nidba da kpogl taa Yeesua man haar fan da ba Kafarnahuum diin.

T` nan kpa a bea felañ na t` getg nidfigm huuga.




¿ Ka t` saa n wii fint dee ?

¿ Ben bee ?



Saa-n-ba, há tuurbée ba n gwéet fen tiim kod.



L` waa-v` fubefii.

Tintii waa, ¿ Homran ?



Hà suul Sangband.

Sangband n jañ beel na d` waa fubefii.

Ka mà biir na l` waa-v` fubefii laa vidg, l` huuga ¿ ben yatg gemmi ?



Mà boñoo-n, Meesia ba n gemmnt na hà waam fubefii. Hàan ta bee hà biir na : Vidg, log v` fiigu v` ked !





L` kpañ tiim.


Hà kedan.

Geedg-n !,
maan bee mà
san. Mà kedan.

Gwentañ nidba mamba
kpaasofida Yeesua
gmægt n kwæwhóm
l` gæd n kwæen n seenj
bermba. Bee t lag n ka
kiig-wu na bà nyaan
na hà vala bañlb laa.
Tii lee bañlb kir na bá
daa hem gmægb
Saabaat goor.



Kpays-n nidhii hà nuhu t
vaawa. ¿ L` sira huru
na bà hem hómgu laa
beñgu Saabaat goor ?



Teedg v` nuhu !




L` gbaad-ma.



L` ba na
t` nyaan
há ret.

Tn bañl
Yerusalem
seenj
bermba na
hà fiwla
kórgu.

Kɔrgun ba tulgu. Yeesuwu n h́a gwɛɛt soɦɔdgtba t dar bayenwu kpiirgun Galiilee nyaam hɛn.





¿ H́ii kpaɦ rii ?
Berma l' kulaa n tn.



¿ Ben fier n' ka ba n
fobɛɦgu ? ¿ N' gwɛɛt
hɛn tiim ba tee ?

Kwiinj!
vyeñ ! Kpat
belaf' !



Bá taai nyaam gbiir
nigiigun, yelmaa...



WAAAY !

Nidhii t ren ka ba fobefgu.



Yeesua kenan.

Hoo wuui !



¿ Ven nii Yeesua ?



Kunid ven nyab nidnwuna man !

Sangband momr budaaga Yeesu ¿ man n vn n tet ?



Bà hof-v na ¿ weni ?





Hiinu. Blafb kaa na t` ba kod.




Saa-t t` jib hafaantn-tinan.


Ked-n !








Kewlg-n!, mà daan tant
hen na mà hem mà Sa
soklb, wii tamn-ma. Mà
kpaà hëna bii n mayen mà
gemmnt.




Yeesua da ror kpamga hen
fayen heruf' ka seeja.




Welee nii han da goor
nyingu kuugu ka seeja n
l' kaann há bant há gwëet
sofidgtba kwifr n barehbee.
Han bantg-ba lee, n tom-ba
bareh bareh n korgu ka
sah-ba gemmnt wanbëft
jugun ka ta gbaadaa bëhii.



Fetruw n Hãndrea da ba na
teelban.



Wo Yakoobwu n
Yohaannësa.



Filfwu n Baatelemia
bee ta bee.


Tomaaswu n Matewa
(da Romaa lambufu
sofidgtkpeemn).



Tadeewu n Yakoob vola.



Simoon há ηmeta há korgu
ñen wii n Yuudaas Hiskariota.



Ked-n !, hii há soñda-n wii ta soñda
man. L` saa há soñda-ma wii ta soñda
hii há tamn-ma wii.



Gwæet sofidgtba kwifr n
bareñbee t kpen ka ba nyaagbn
n ηmæygb ban fier bii. Yeesua
da bagl wo wú
n ban bà ree bayen kpamga
ñen, gwenthaa, nidfigm
kpaasah-wu vohoor.

Dikañb ba kòd na bà log, ηmæygdba ba
jañ'. Gbaam-n dikañb tii na há tuun-n
ηmæygdba na bà log há dikañb.



Nyingu da nyinaan, Yeesua la weraa ka gbaadaa beftiiba.


Filf, ɔ tee nni tɔ ba t' bee t' daɗi diit na t' doow nidfigmmina ?



Ka la liɓkpaɗm lemi firifi l' kpaɗ l' way kan bii.


Budaaga kiiga mada nnaɗi kpooni 5 n fiɗlii 2 kpaalaa nii.

Biir-n nidbee membee kad soɗr soɗr kwɛɗnu kwɛɗnu.




Yeesua t seenɗ Sangband.

Ɔ raarm kpooni n fiɗlii ba membee t jum n togm.



Yeesua t fhem
welee n dom nidba
ruuni ruuni.



Wii nnii Meesia, hà kena na
hà daf t` juuni.

Tn lo-wu huraant.



Kpay-n !
Bà kpogl
kpoongbeha
l` hugl furia 12.




Tn vo nidbee bà kul l` saa t` mewdg
kpiirgun bal volii fhen. Man lee, maa mà
kpat mà bem nanafi duur fhen ka seenja.





L' mɔɔ jaf'.



Wuui ! Wuui ! Kuum.

Daa fee-n fobefigu, mann.



Berma, ka venn biilm, si wad na mà daan v` man.

Daana!



Berma, sofidg-ma !



Fetr ¿ Nigaa na laa ?


Nidba kɔd da bagl na bà lo Yeesuwu huraant ka daag na fià ba fià vo Romaa tiiba. Bee da mada kɔrgu. Volba da kpaa tia fià fiɛn ka lɔg-wu wo nidbɛfi. Lee bà ka fiɛna nidba vida fià fiɛn ka bag na bà kuu-wu.



Berma, ¿ taan tedaa nanafi ?

¿ N' bagl-ma diit man sir-n tii kaa laa ?

Daa diilgm-n diit t' booda tii fiɛn, lee bagm-n t' bee kakefnan tii.



Man nnii diit t' safi neerm m' bee kakefnan tii. Mà gbanu nnii man tɔɔ na nidba yuug neerm.



¿ Lan nnii nidwunwuna nn ba fià to fià gbanu na bà die ?

Joojoogweɛtn.



Tn nyabm !

Hà hogla nidfigm.

¿ Nii kpafi n' nyab wo volbeen ?



¿ T ta san wen man ? Berma, ven beel n gwɛɛt t' safi neerm m' bee kakefnan mii.

Yeesua rafeedba da yada goor wo goor. Há nyab Galiilee tantn. Gwæst sofdgtba daba n fɔgba t hefl-wu, há san n ka hɛna hà ñmɛɛgb Yisraheel kparvolan.

Galiilee

Yerusalem.

Yisraheel

L' mɔɔ jah há ka kedaa n Yerusalem



Hán da kedaa lee...

Nidba bɔhɔɔ mat na ɛ man nnii weni ?


Bà bɔhɔɔ na ven nnii gwæst bɔhɔɔfii.



ɛ Nen de ?



ɛ Nii diila na man nnii wen ?



Ven nnii Sangband Budaaga, d' neeran.



Daa biir-n-t fii. L' ba na Meesia san Yerusalem na hà di kunyɔɔn hà kpi kan. Lee gotafrd goor hà riir bilun.



Bà da kpañl nidkuudba dabraga fiɛn Yerusalem kɔrgu kpamga fiɛn. Da fiɛb befiɛb biib nii Romaa tiiba nn da fiɛna.




Há bag na há tagd-ma, ì ba na há hɔɲ hayen hà log há dabragr.



Há bag na hà sofdg há neerm há bɔrii-m. Gwenthaa, há bɔraa há neerm mà kaa wii nan ɲmɛta hà sofdg-m.



Miim-n na Sangband dyend beeln.



B' yatg dañt bii nii na v` sɔkl v` Saberm Sangband n v` kwɛgdi meni, v` ta sɔkl v` nidtuur wo vn sɔkla vyen v` mɔm lee.




Yeesua vuugun, bolmba da neera
vokun ka kpaɔ nyɔfir n nidba bá ba
bolm bee. Bolmt da ba na beɓbehiin.



Ka bolmba gilma, ɪ̀ ba
na bà baɓilm nidvolba
ka toola na.

Ƨ kpaɓ kel-kel.
Ƨ kpaɓ kel-kel.



Berm Yeesu, nyaan
t̄ kunyɔŋu !






San-n n` werii ñyenwu gotiiba !



¿ T` san juuga tia man fà filuu-t ?

L` gbaad-t ¿ laa ben nnii ?



?

!



Hiin, l` gbaad-t.



T` gbaadn.

Waay!



Bá nyokm Sangband.



¿ L` ba gbaad n` membeen ?
¿ Volbee ba tee ? ¿ Ban kpañ bà daan bà ta seeñ Sangband na d` fera ñmæëgb ?



Vidg ! v` gwæet fien tiim ba gbaad-v n jañ, m` ta dafra v` jugu.

Yerusalem Yuudaa tiiba
bermba tuuma nidba na
bá kiig Yeesua. Bà kpaá
sokla fian fiéna bii fel-fel.

Bà fiéna welee na Yeesua kada
neerbefim tiiba man wo yaruutba
n lambufu sofidgtba, n ban
Roma tiiba l' fiéna nmæégb bee.

Meesia daan na fià
bag fià dah bá bód
bee juuni.




Yeesua da gbaadaa
befitiiba la Saabaat goor.

L' gbaad-v !




Hà sofiá bii lamægun.

Saa-n bii hi daan mà man
na bá tòn-hi bee hefi n
Sangband huraant.




Bà hoŋ Yeesuwu Betaani. Kɔrguu nyɔfra n Yerusalem. Nidhii da ba kan n beŋii bà hoŋ-wu na Laasara. Wun fá teel fɔgba Martwu n Maari bà ba na Yeesua tuurmбан. Yeesua nn taai Betaani lee, Laasara t kpi bà kuur-wu l̄ fiem goora hanaa.



Berma, ka v` da bee, mà nyakwɛɛla da kpaŋ fà kpi.



Mart, v` nyakwɛɛla kee fà himtg.



Hiin, mà miiln. Hà kee fà himtg fà neer kpiirma nn nan himta gokaawrd goor lee.



Man nii himtgm ta man nii neerm. Hiin fà tia mà fiem wii ba fà neer. ¿ Tia welee Mart ?



Hiin, mà tia na ven nii Juuni daŋd fá ba fà daan tant fiem wii, ven nii Sangband Budaaga.



¿ N` doolg-wu tee ?

Berma, daan v` nyaan !





Yeesua
kuuman. Hà
da sokla-wu
hom.

¿ Hà da kpaŋi
fà bee fà fie
na Laasara
daa kpia ?



Yisrafeel tantn, bà da hakra kpiirma
kpaam n dool-ba vadbn ka tii-b fiigun.

Huudg-n bilu tanlaka !



Berma, jana nnii gonaard,
fà baa ka ruŋda.


N' ba n' nyaan
Sangband bermt.



Mà Sa, mà hena wenna
na bá tii na ven tamn-ma.



LAASAAAR,
REN !



Gbentr-n-wu n' saa-wu
fà ked.

Yeesua hidr berɓb haama bermba.



Nidnwuna hena hoolgu
heɓ koɗ.

Romaa tiiba kpaɓi
bà hee-t hom ka
t` ba mug-wu.


Baa bà gbuɓi t` tigr
n t` Sangband haar.



Tn ked-n ! L` ba hom na
nidbilma kpi tigr tagrn.



L` ba na bà ku
Yeesuwii lafa.





Lee daa n jaɓi Yuudaa tiiba
bermba t ka bag huru na
bà gweedm Yeesuwu
Romaa tiiba. Bee n jaɓi
da beel n gemmnt na
bà ku hii.

Lee wen, kasant tiit hoda bogm Betaani korgun.



Maari !




Tilaar
kpaammina
yatg bii bermb.




Ban ba bà
gweedm-m
liğbiirii torg
kunyogju tiiba.




Yuudaas, saa-wu. Hà
kpɛfɔdr tilaardina ka
hɔd mà kuurm goor.



Getgm kasant nyufnan, nidfigm t ka
kota Yerusalem.



Seenjb bermba nn bag na
bà mug Yeesu lee, wii fɛla
ka ta ked kɔrguun.



Ĥan da taa lee, nidfigm
t ka gbuu-wu niĤin.




Ĥooo !
Ĥooo !

Ĥooo !


Bá nyokm Ĥá
kena Sangband
hidrn wii.

Bá nyokm
YisraĤeel




Nidba mamba da hirwa
Ĥá kaa.

GwentafĤ welee la
kpaá tora bii.



Yerusalem Sangband haar da ba na Yuudaa tiiba seenj bobogr nnii.



Getgm kasantiin bà vidl fæebia.



Bà da loġl vidnamtii gidgu n safm Sangband na d' waa nidba fubefii.



Gwentafn ¿ vit tet beel t' ree nidwu fubefngan biilm ?




Nidba da gweedma ka lagaa want Sangband haarn. Yaku da fiëna kan hom.




Yelmaa, Yeesua t jibn.






Sangband haar ba na seengb haarn, nii t logm-d n hem bawdba fohntlaḡa.



Nidnwuna ba na nidbehn, nidba memba la fum n wun.



L` ba na t` he gemm t` diḡ-wu n t` ni.




Tn fee-n rarm t' mug-wu t' ku.

Gwentafi lag nan kasant vuugun. L' kpañ na t' dam kɔrgu.



Ka mà taag Yeesu n' nufun ɔ n' to-ma falaa ?

Yuudaas ba na fiá gwɛɛt sofdgtba ni fiin.



Maa mà taag Yeesuwu n' nufun.



T' ba t' to-v liǵbkpañm kwɛɛtafi, yuuma daft nnii.



Ln da tol goora fialanfia na
bà di getgm kasant lee,
nidfigm t kpogl taa
Sangband haarn Yeesua
t ka la weraa l' ba na
seenb bermba nn kpa
bag bii nnii.

Yeesua t gbaam Fetruw n
Yohaanees na bà maantr
getgm kasant fæbuga.




Jabr, Yeesuwu n hã gwæst sofidgtba
bà kpogl taa korgun na bà di getgm kasant
diit.




Maa mà fe ñmæëgbii
jabrdina.







Mà fiera gemm na má n
nn t` di kasantntina
safi na mà di kunyoŋu.




Tiga bermba kada
bà nidba fien.





N` huuga, há bag bermt
wii, há bem na n`
ŋmæfheeda.



Maa ba n` man wo
ŋmæfheeda.







Hem-n wennah ka deer mà fiɛn.



Jaɲ-n !, binbii nii mà gbanu.



Nyii-n kpowdgankena. Mà jiim nii. M` kulaa nii kaa. Tuurnkwɛɛnt Sangband nn lo n' n dn n` huuga tii nii.



Kpay-n, mà tɔɔ-n bafikwɛɛlb. Soklm-n taa wo man sokl-n lee.



Ka n` sokla taa vol wo vola, bà membee miig na nen nii mà gwɛɛt sohdgtba.



Berma, maa mà tagd v` kaa baatea. Mà ta lag mà kpi n v` noon.



Fetr, saɲ na kodaaga jawdg v` feer tɔmb mtaɲm na kpaa mii-ma.

Yeesuwu n gwæet sohdgtba kwifir n
fiayenwii bà nyab kərguun tunjkofigu
Yuudaasa kpañ bá man.

Maa mà nyab n` man, lee mà Sa ba
fià tuun-n Gobiint Vofoom m`
tərgm-n ka ba n` man kakefnan.

Mà kan ked ree,
n` miil kan huru.

Man nii huru, n gobiint ta
man nii neerm. Hii kpañ
ked Sa man ka ba tag
n mà wee.

Bəm-n nnañ mà sanii
lañaa mà seerj.

Sa, ka l` ba fiəb, v` fiə na mà
fetg n wiiru kpowdgankena.

Lee l` fiə v` soklb fiən,
lag maa reb.


¿ N' ba bee na má n nn t' neer
waarbilmu mómú ? Vidg n' nyaana,
há gweedma-ma wii taann.



Nid man kee mà fog wii,
wii nnii. Mug-n-wu !



Berma, v' jabrii.



Yuudaas, ¿ gweedma
Meesi nnii ka fogaa-wu ?

¿ Berma, t'
bañ gbaut ?



Háai, daa
fee-n lii !



Bá mug Yeesu n nyabn. Gwæet
sofidgtbee mêmbee t saa-wu n solm.



Bà san Yeesuwu n gotibermaa, Yuudaa tiiba berm nnii. Fetruwu n Yohaanees bà tagd-wu ka ba vòkun.



Fetra t jib haaga.



Biir, ¿ fn ta kpañm fá man ?



La ! Mà ta kpaam mii-wu rii meñ'.

La ba na bà ni fiin.



Lag welee.

Bà ni fii nnii vn mi kotòd na ta ven nnii Galiilee tia.

Mà kpaam mi vn boñoo tii.



Kwεkwε-
klakwε-
kwεεw.



Vokun...



Tad jaf' !
¿ Wen gbug-vi ?

Hateekwεen, bá san Yeesuwu n
Yuudaa tiiba yaagu yaalana.

¿ Ven nii
Sangband
Budaaga ?

Beda tii nii.



Hà suudg Sangband. L`
mag na bà kuu-wu. Tn san-
wu Romaa yaagu tand fiεn.



Bá san n Yeesuwu n Filaata man, da wii
nii Romaa gomna. Yuudaa tiiba tula
Yeesuwu hoogu ka jagdra kɔrgu.



¿ Kpaa fum gwɛɛt ban
kena n v` jugun tiin ?
Biir Iii !




¿ H̄er bee ?

Mà daan
na mà ree
gobiint
mà biir.




Lee, ¿ gobiint nii bee ?



Maa ba nyaan fan kofl bii.
Getgm kasant man, t`
kena n hofl-n sarga tiifii.
N` kɔta ¿ Barabaas laa
Yuudaa tiiba huraa le ?





Barabaasa.

Barabaasa.



¿ Mà he lan wunañ ?

Kpañ-wu dabragr fiën !

Hà bõhoo na wii nnii huraa.

Hà logl fiayen na huraa, ka v` saa-wu ta kpañ na Sesaara tuura.



Ba vyen v` bolmm. BaÈ rawdg-v n saa Yeesua.

Bà da riw Barabaas na fià da kura nida, bà la rawd-wu.



...37, 38, 39.



Mà kpañ nidwunwuna kuum gwæetn.



Yuudaa tiiba huraa t` seeja-v.



Kpay-n nidwii.

Kpañ-wu dabragr fiën !

Kpañ-wu dabragr fiën !

Kpañ-wu dabragr fiën !




Filaata t tii na bà ku Yeesua. Yeesua t ka bigd há dabragr ka tagd Yerusalem korgu huri.



Bà kan da kuu nidba ree da ba korgu kpamga fiën bà hofi kan na Golgotaa l' kotod nnii na jukuuga.



Ree, tawdba t kpañm Yeesuwu dabragr fiën.



Himafir t mug Yuudaasa.

Mà fiera fubeŋga.

Mà gweedm nida fà
ba n há nyonyogm
bà kuum-wu.

L' ba nyaan-t rii.
V gweetn.





Bà da kpafra Yeesuwu
nidkuudba barefiba huuga.

Mà Sa waa-ba na
bà kpaa mi ban
fena bii.

Filaata t wed na bà
kpañ dagwegr Yeesua
dabragr faaga. Bà da
foda d' fien na Yeesua,
Yuudaa tiiba huraa.

Yeesua kir daam miim
m' kwiingla wiiru.

Tawdba taawa waari
Yeesua dimt fien.



Da sofdg
nidvolba.

Ka ven nii Sangband
Budaaga, hofint nan
dabragr fien !



Sofdg vyen,
v' ta sofdg-t.

¿ Kpaa sol Sangbandn ?,
toibr darm tn sofdá mii
mag n ten. Wii lee, wii ba
fe bii befb.

Deer mà fien vn
kee v' bem v'
huraantn lee !

Mà bõfõõ-v gobiint
na waa : jana jana
má n vn t' ba t'
bem lameegun.



Muunu huuga, l' fiem wo
muunu n kidga l' kpal-taa,
nyeet t fiid tant bif'.



Yeesua nya Maaria n Yohaanes
Yeesua tumtba ni fii bà da
jefra dabragrii tiŋa.

Gwelŋa, n' ba
nyawu n fiá
kwæela.



Mà Sangband, mà
Sangband l' fer lan
vn vaa-ma.

Nyu...nyuudu
mada-ma.




Mà Sa, mà taagaa mà
liliigu v' nifin.



L' mēnguu
toglŋn nnii.



Yeesua da kpiira jabr waari fitafi wee.
Tawdba t nyat fiá fidun. Jiim n
nyaalm t rorm kan.



Wadbuudgan bõhõõ na :
Bà san-wu n dõm kuulaja
wo fæbuga.



Bà hantr-wu n
kafm-wu t` fubefii
kaa. Lee gwelja bà
kura-wu nnii.




¿ Da wii nnii Meesi fiá
ba fià daan wii ?



Tn san t` jam huru !,
t` log-wu t` kuur.



Harimatee tii Yoosæfwu n Nikodem
bá logm Yeesu n kuur-wu bilu fiufun
l` ba na Yosæfa da tiira-fiu, n bagm
tanbibifigu n gwefidr hú noon.



Saabaat goor kaann
foğba balanba bà ba
kunyɔŋun bà san bilun.



¿ Ben kaa nii nn bag
Neerwu kpiimba huuga ?
Hà himtgn. Ked-n n` biir fiá
awɛet sofdatba.



L` biruu
tand.



Fɔğbee nn kul lee, Fetru
n Yohaanees bà ka maaw
taa ka sol bilun.



Hɛngu, yem
kpaalaa.



¿ Ben...
ben fier ?



Maaria t san bilu fiɛn.




Taa nya ɛ bag weni ?
ɛ Kuum na laa ?




Bà ree mà Berma.
Ka l̄ ba na ven loɣra wii,
v̄ biir-ma v̄ kan lo-wu.




Maari.



Berma.




Daa tarm-ma. San v̄
biir mà teelba na
mà ɲmetɣaa mà Sa
man ta n̄ san, mà
Sangband man, d̄ ta
ba na n̄ Sangbandn.



Goyendii, gwæst sohdgtba barefiba biiba
bà ba figmn bà ka bõfõõ hurtiihiwu bii
b' getg bii. Bà n hafañ bà da lagl huru.

¿ N` kpaá tia gwæst sohdgtba noon
gwæetn ? ¿ L` ba fõr na Krista da ba
fà di kunyõõu safi na há jib há nyõkb
ni ? L` fõda welee gwæetii weem.



Ban da ju diit lee, bá
tuurwii t nyab myen fiẽn.

Da
Yeesuun.



Yelmaa, bà ñmetgii Yerusalem n yum
gwæst sohdgtba volbee.

T` nyana Berma.

Maariwu n
Fetr bà ta
nyana-wu.




Yelmaa,...

Nigiigu
bẽm n`
man.






Mà mõmn biilm. Kpay-
n mà nifi, ta kpay-n
mà nakpai.




Mà
Berma
n mà
Sangband



Yeesua t ka rea fiayen ka weraa há gwéet sofdgtba kakefnan goora kwefnaa. Nidba lēmi hinu da nyana-wu yenm. Goor diir há gwéet sofdgtba biiba nn da moog fólíi lee...





¿ Fetr, sokla-ma biilm ?



Yeesua t gbaam Fetrwu welee gwæetii tomb mtafi'.



Hîin Berma miil na mà sokla-v.

Lee, kiigm mà fæbii fien.



Tagd-ma kaa !

Mà sohdg gemmnt ment sangbambiimn n tant fien. Ked-n tant mentn n` he nidba memba kitg mà gwæet sohdgtba. Huurm-n-ba Sa n Budaaga n Vohoom buudm hidrn. Kpelɲm-n-ba man werii-n bii membii.



Miim-n na mà ba n` man goora mena kakefnan tant difm.

Gwæetntina kaann, l` vii Yeesuwu n sangbambiimn. Hà nan ηmetgna wo fian bed lee na fià yaa nidba memba n yaagu.

Yeesua nyabn. H́a gwɛɛt
sofɔdgtba t ka hɔd

Yerusalem ka seenja. Lee
vofoom buudm t daan bá
jugun. Sangband vofoom
m' da ba Yeesua fien mii

ta ba gwelɔa h́a gwɛɛt
sofɔdgtba fien. H́a fiena


bà kita nidkwɛelba,
Yeesu Krista kaa tawdba.

Kuum da kpaŋi
m' bee m' kpat
m' mad Yeesua.
Sangband himii-
wu. Yeesu nii
noogr na fià jib
Sangband
nyokbn.



Nidba nn da la nyafaa-ba lee, gwɛɛt
sofɔdgtba la faa Yeesua gwɛɛt baatea.

Yeesu nii
Sangband
Budaaga.




Bà ta faa gwɛɛtntina
wadiin.

H́a logra
t' fubɛfii fià
fien n kuum
dabragr fien.
Wii kaa nii tn
ba t' bee t' neer
wo Sangband
nn bag lee.



Tant fien baatea, nidba
bá tagd Yeesua kaa bee,
bà kpogla taa ka seenja ka
kaal wadbuudga. Bà jul
Sangband diit ka nyi
daam kpowdga ka deeda
Yeesua kuum. Sangband
t fien bà ka sokla taa.

Bii Sangband nn bag
na nida yuun bii fiara
b` jugun Yeesua kaa.



Yeesua sokla-v. Seenm-
wu na ha fiara nmæægb,
door-wu tijan.



Sangband sokl tant biii,
lee n safm d` budaaga
kayenga. Hii ha tia ka
fen wii feta n ka ba bor,
n sohd neerm m` bee
kakefnan mii.

YEESUA GWÆTII LA BEE N JANA

Yeesua sangbambiimn kuliib n b` kaann nidba banaaba t fiorm wadii há neerm jugun. Welee nidbee nii Matewa, Markuusa, Lukaasa n nan Yoohanæsa. Ba v` bee v` kaal wadhii. Bà hofl-hi na Gohomt wadii, hì ba Sangband gwæet wadgan.

MATEWA

Matewa da ba na Yeesua gwæet sofdgtba ni bilmn. Bii ñan kæem bii, hà mɔma nyana-b n hà niini. Yeesua da bantg-wu na há gwæet sofdgta hà ba na lambufu sofdgta. Lee, l` ka ñena nidba yɔlaa na Yeesua bagl welee tiibee na bà tagd-wu.

MARKUUSA

Markuusa da ba buga Yeesua wen da neer tant ñen. Kaann wú n Fetr bá kad taa man kɔd. Fetra da ba na ta Yeesua gwæet sofdgtba ni bilmn. Fetra da fela ka hofl Markuus na há buga. Markuuswu n ñafoosl Fɔɔla bà da san huru kɔd na bà faa Yeesua gohomt.

LUKAASA

Hà da ba na grek dɔgd. Ka ba na hà ñor há wadga, há gbaam nidba kɔd bá da nyan want kɔd Yeesua neermn n bà niini bee. Lukaasa da tii Yeesua ñen n tag-wu. Hà da ta hefla ñafoosl Fɔɔl ñan

da linta ka faa Yeesua gohomt lee. Hà ta ñɔda wadrefidrga. Kee nii Tumtba ŋmægt Wadga. Kee ni bɔhɔɔ Kristatinoogrba neerm gwæet.


YOHAANÆESA

Da ta Yeesua gwæet sofdgtn. Volba da hofl-wu na Yeesua nn sɔkla wii. Ban da kpañ Yeesuwu dabragr ñen lee, hà ba d` kwæen. Yoohanæsa ñɔda hà wadga na bá kaal-ka bee tii na Yeesu nii Meesi ban da bed hà gwæet wii l` saa bá sofdg neerm há hidr kaa. Yoohanæsa neerm nn da ked difm lee, Sangband t ree Yeesu n werii-wu sangbambiimn n ta bɔhɔɔ-wu tant difm gwæet. Hà ñɔda welee gwæetii Fohmgan Gwæet Wadgan (Apocalypse). Ba v` bee v` kaal-t Sangband gwæet wadgan.

VII TA BA V` BEE V` MIIG YEESUA

Lag Yeesua gwæetii difm nii. Hà la neera n jana nidba bá tagd-wu bee kwæewan. Há sangbambiimn kuliib n b` kaan, há tamn Vofoom buudm na m` torgm-t. Yeesua bagl na hà lagii v` neerm hà lo v` kwæwrn sɔklb. Ka v` ba há man wiinga n jañ bɛm v` neermn. Hà da beda na hà kee hà si hii há tagd-wu wii neerm m` bee kakeñnan mii na wú n wun bà neer taa man.





YEESU KRIST NNII MEESIA

Wadgankena keema Yeesu Krista gweet, gobiint gweetn. Wii nnii Meesia, wii nnii nidba memba juuni dafida. L' fiera wo bina 2000 nnii fian da neer Yisrafeel tantn. Nidfigm da tagda-wu ka kewla fiá gweet weriib, bà da ta bagl na bà yaan hoolgu fieb fian da fiena bii. Fià da fiena l' fiena nidba yɔlaa. Ln da la ba welee lee bá kuum-wu ka kpafi-wu dabragr fién. Gwentafi fiá himt kuumn n ka neer n jana biiba bá tagd-wu bee kwæwan. Kaal v` mɔma Yeesua gweetii !

langue : nawdm

ISBN : 978-90-73150-07-2